

葉夢得曰此猶以論夫一也自其多者數之則一者其反而萬物由之以運則道之動也自貴與高者觀之則一者其弱而萬物資之以立則道之用也夫如是知天下之物生於有則天地至於侯王者是已而有生於無則一固存焉於其間也

清源子劉驥曰經云虛無恍惚道之根萬物共本道之元反於此者離道以善故爲道之動體於此者至弱而強故爲道之用

黃茂材曰無生有有生物凡物之生莫知其所所以然人能求其所以生者還以自生豈不長生乎

道藏輯要

道德真經
彭鶴林集註

堯
心集七
川三六

林東曰道本靜矣反之得非動乎天下之物生於有益有天
地以生之非生於有耶有生於無則無者道也此道之或反
或弱而主於生物非有生於無乎

上士聞道章第四十一

上士聞道勤而行之中士聞道若存若亡下士聞道大笑之不
笑不足以爲道

御註曰士志於道者也上士聞道真積力久至誠不息中士
則有疑心焉疑心生則用志分其於道也一出入焉下士
則信不足以守智不足與明也故笑夫道無形色聲味之可
得則其去耳目鼻口之所嗜也遠矣莊子曰大聲不入於俚

耳高言不止於眾人之心

碧虛子陳景元曰夫上士者受性清靜恬淡寂寞虛無無爲純粹而不雜靜一而不變聞乎道也超然而入以至於大妙而人觀其迹真以爲勤行者也實無勤行也斯所謂天然縣解矣中士者受性中庸世之不用也則思欲就藪擇處閑曠吐故納新熊經鳳翥導引養形壽考保神而已矣及乎世之用也則思欲語大功立大名禮君臣正上下殺身爲仁爲治而已矣此之謂若存若亡也下士者受性濁辱目欲眠色耳欲聽聲口欲察味志氣欲盈若不得者則大憂以懼聞其恬澹寂寞無爲則大笑而非之若不爲下士之所非笑則不足

道藏輯要

道德真經
彭鶴林集註

李

心集七

以爲清真上道也

涑水司馬光曰非常之道固非常人所知

穎濱蘇轍曰道非形不可見非聲不可聞不先知萬物之妄廓然無蔽卓然有見未免於不信也故下士聞道以爲荒唐謬悠而笑之中士聞道與之存亡出沒而疑之惟了然見之者然後勤行服膺而不忘孔子曰語之而不惰者其回也與斯可謂上士也哉

黃茂材曰上士聞道了然無疑故勤而行之中士聞道未能盡信故若存若亡下士懵然無所知故大笑世之上士無幾中士不可多得所謂下士比比皆是此道所以難明也歟

故建言有之明道若昧夷道若類進道若退上德若谷大白若辱廣德若不足建德若偷質真若渝大方無隅大器晚成大音希聲大象無形道隱無名夫惟道善貸且成

碧虛子陳景元曰夷平也類絲之不勻者夫絲之無類乃織者之所取有類則紡者之所棄也夫上士襟懷坦夷平一與物無際而能支離其德若絲之有類不爲世用也河上公本作類言大道之人坦蕩平夷隨類參回不自分別也上德之人無爲無事心同虛空高下莫測有若深谷無所不容大白者雪霜之謂也若雪霜之潔白而無所不到雖瓦甃汙溷之處施而無擇有道之士豈異於是故處於濁世純白獨全而

道藏輯要

道德真經
彭鶴林集註

空

心集七
X七b

不雜染也孫登曰其德深廣則通疎見遠遺畧小節如智識不足故良賈深藏若虛君子盛德容貌若愚陸希聲曰衣被天下而不有其仁斯廣德若不足者也此言陰德密行也夫建立陰德之人不顯其功畏人之知故若偷竊耳吳筠元綱論曰功欲陰過欲陽功陰則能全過陽則易改此之謂也渝變也色不明也質真者純素也夫純素之士動無文章如五色之渝淺光華不發也開元御註曰方正也隅角也夫砥礪名節以作廉隅此謂束教之人非曰大方之士磨而不磷在湮不淄大方也而能和光同塵行不崖異無隅也故曰大方無隅貸施與也夫歎美獨有此妙道能神鬼神帝生天生地

善以沖和妙氣施與萬物且成實而復於自然也嚴君平曰道之爲化也始於無有終於無終存於不存貸於不貸動而萬物成靜而天下遂也陸希聲曰夫唯善濟貸於萬物而不責其報是以萬物受其成而不知其德故下士聞其道而笑之不信其能若此耳

穎濱蘇轍曰建立也古之立言者有是說而老子取之下之所陳者是也道之所遇無所不見凡此十二者皆道之見於事者也而道之大全則隱於無名惟其所遇推其有餘以貸不足物之賴之以成者也

道真仁靜先生曹道沖曰類爲不平然而道至平而趨高下

道藏輯要

道德真經

彭鶴林集註

卷

心集七
X 81

不一至人與世浮沉曲全其道不特異其迹故若有瑕類也德之上者其虛若谷似不盈矣世俗爲高潔之行以顯於名有道之人至潔白而混於汙辱之間至德不耀故若不足葉夢得曰明而若昧夷而若類進而若退者中智之所疑也上德者若谷不自有其德也大白者若辱能納汙也廣德者若不足所以能有進也建德者若偷不見其用力則疑於惰也質真者若渝不知其有常則以爲或變也大方者無隅不示人以形也大器者晚成不使見者速也大音者希聲不使得以聞也大象者無形不使得以見也道之隱於無名者每如此不可以一端求是以能推其餘以與人而萬物莫不資

之以成也

黃茂材曰夫爲道者用心於內不暇顧其外世人不足以知之故雖明道乃以爲昧雖進道乃以爲退雖夷道乃以爲類上德乃以爲谷谷不盈也大白乃以爲辱廣德乃以爲不足建德乃以爲偷質真乃以爲渝求其方則無隅不知其爲大方求其器則晚成不知其爲大器求其音則希聲不知其爲大聲求其像則無形不知其爲大像下士所以每大笑之夫道隱無名知者固少然善貸萬物而不遺全生養命足以成功而有餘未有如道者也

道生一章第四十二

道藏輯要

道德真經
彭鶴林集註

卷

心集七
川三上

道生一一生二二生三三生萬物

御註曰泰初有無無有無名一之所起天一而地二次之水生而火次之精具而神從之天肇一於北地耦二於南人成位於三三才具而萬像分矣號物之數謂之萬自此以往巧歷不能計

碧虛子陳景元曰道者虛之虛者也無之無者也然之然者也混同太無冥寂淵通不可名言者也然而動出變化則謂之渾淪渾淪者一也渾淪一氣未相離散必有神明潛兆於中神明者二也有神有明則有分焉是故清濁和三氣噫然而出各有歸清濁和者三也是以清氣爲天濁氣爲地和